



2020 йил «30» март

№ 08-74

« » 20 года

**Коронавирус инфекциясининг тарқалишини олдини
олишга қаратилган қўшимча чора-тадбирлар тўғрисида**

Ўзбекистон Республикаси аҳолининг санитария-эпидемиологик осойишталиги ва хавфсизлигини таъминлаш, коронавирус инфекцияси тарқалишининг олдини олишда мутасадди давлат ва хўжалик бошқаруви органлари ҳамда ташкилотларнинг мувофиқлаштирилган фаолиятини ташкил этиш, фуқароларнинг ҳаёти ва соғлигини муҳофаза қилиш, шунингдек Ўзбекистон Республикаси Вазирлар Маҳкамасининг 2020 йил 23 мартдаги 176-сон қарори ижросин таъминлаш мақсадида

Б У Ю Р А М А Н:

1. Ўзбекистон Республикаси Вазирлар Маҳкамасининг 2020 йил 23 мартдаги “Коронавирус инфекцияси тарқалишига қарши қўшимча чора-тадбирлар тўғрисида”ги 176-сон қарори (кейинги ўринларда – қарор) раҳбарлик ва ижро учун қабул қилинсин.

2. Қарор билан Ўзбекистон Республикаси Президентининг 2020 йил 29 январдаги Ф–5537-сон фармойиши билан ташкил этилган Ўзбекистон Республикасига коронавируснинг кириб келиши ва тарқалишининг олдини олиш бўйича чора-тадбирлар дастурини тайрлаш бўйича республика махсус комиссияси (кейинги ўринларда – Комиссия) қарорларига мувофиқ:

дунёнинг барча давлатлари билан Ўзбекистон Республикаси ўртасида **мунтазам авиақатновлар тўхтатилганлиги;**

хорижий давлатлар фуқаролари ва фуқаролиги бўлмаган шахсларни, (республикада доимий истиқомат қилувчи фуқаролиги бўлмаган шахслар бундан мустафно), шунингдек, йўловчи ташувчи транспорт воситаларини (автобус, енгил автотранспорт ва темир йўл транспорти воситалари) **Ўзбекистон Республикаси ҳудудига барча чегара ўтказиш пунктлари орқали кириб келиши тўхтатилганлиги;**

Ўзбекистон Республикаси ҳудудига кириб келаётган шахсларни **14 кун** давомида махсус ажратилган тиббиёт муассасаси ёки карантин тадбирларини

ташкил этишга мослаштирилган базалар ёхуд уй шароитида карантинга олиш талаби белгиланганлиги;

Ўзбекистон Республикаси ҳудудида барча **кўнгилочар объектлар, шу жумладан тунги клублар, дискотека, ресторан, кафе, ошхона, чойхона, спа ва массаж салонлар, караоке, бильярд заллари, чилим (кальян) марказлари ва компьютер ўйинлари** хизматини кўрсатувчи тадбиркорлик фаолияти тўхтатилганлиги;

Ўзбекистон Республикаси ҳудудида барча турдаги оммавий тадбирлар, шу жумладан байрам тадбирлари, халқаро тадбирлар ва спорт мусобақалари, шунингдек, театр, кино ва концерт дастурлари ҳамда **тўйлар, оилавий тантаналар, маърака ва маросимлар ўтказилиши** (дафн маросимлари 10-15 кишидан кўп бўлмаган ҳоллар бундан мустасно) тўхтатилганлиги;

давлат олий таълим муассасаларида, умумий ўрта, ўрта махсус, мактабдан ташқари ва мактабгача таълим муассасаларида ҳамда барча нодавлат таълим ташкилотларида таълим жараёнлари тўхтатилганлиги ва коронавирус инфекцияси тарқалишининг олдини олишга қаратилган бошқа бир қатор чоралар кўрилганлиги маълумот учун қабул қилинган;

Ўзбекистон Республикаси ҳудудида **2020 йил 24 март соат 00:01 дан** бошлаб қуйидагиларни назарда тутувчи **коронавирус инфекцияси тарқалишига қарши кучайтирилган тартиб** жорий этилганлиги;

давлат идоралари ва ташкилотларида фуқаролар ва тадбиркорлик субъектлари вакиллари қабул қилиш ҳамда уларга давлат ва бошқа хизматларни кўрсатиш имкон қадар **“онлайн” режимга ўтказилиши**;

идоравий бўйсунуви ва ташкилий-ҳуқуқий қасбидан қатъи назар барча ташкилотларнинг асосий иш фаолиятига таъсир этмаган ҳолда қонун ҳужжатларида белгиланган тартибда **ҳодимларни меҳнат таътилига чиқариш, қолган қисмининг меҳнат фаолиятини максимал даражада масофадан туриб (“онлайн” режимда ёки масофавий тарзда) ташкил этиш чоралари кўрилиши**;

Коронавирус инфекцияси аниқланганда (гумон қилинганда) бажариладиган профилактик ва эпидемияга қарши чора-тадбирларни амалга ошириш тартиби тўғрисидаги низом тасдиқланганлиги инобатга олинсин.

3. Ўзбекистон Республикаси Олий ва ўрта махсус таълим вазирлигида Коронавирус инфекцияси тарқалишининг олдини олишга қаратилган ишларни мувофиқлаштириш бўйича Олий ва ўрта махсус таълим вазирлиги Штаби таркиби, Талаба ва ўқувчилар билан кунлик ўзаро алоқаларни олиб бориш схемаси, Мавжуд ҳолат юзасидан маълумотлар алмашиб бориш жадвали тасдиқланганлиги раҳбарлик ва маълумот учун қабул қилинсин.

4. Проректорлар И.Рустамбеков, Д.Умаров, Н.Салаев ва Б.Бобожонов зиммасига университетда коронавирус инфекциясининг олдини олиш борасида Ўзбекистон Республикаси Соғлиқни сақлаш вазирлиги ҳамда унинг ҳудудий бўлимлари билан ҳамкорлик чора-тадбирларини белгилаш ва бу борада амалга оширилаётган ишлар тўғрисида тегишлилиги бўйича таркибий бўлинмаларнинг маълумотини умумлаштирган ҳолда адлия вазири ўринбосари – ректорга мунтазам равишда ахборот бериб бориш вазифаси юклансин.

5. Проректорлар, курс деканлари, кафедра мудирлари ва бошқа таркибий бўлинма раҳбарлари:

университетда ўқув бинолари ва талабалар турар жойларининг **дезинфекция килинишини;**

ташриф буюрувчи шахсларни **фақат тиббий никоб ва тиббий воситаларни қўллаган ҳолда киритиш тартибини мажбурий жорий этилишини;**

иш жойларида ходимларнинг тана ҳароратини ўлчаш ва **тана ҳарорати юқори бўлган ходимларни иш жойида бўлишига йўл қўймаслик** ҳамда ушбу ходимлар тўғрисида соғлиқни сақлаш органларига зудлик билан хабар етказилишини;

давлат санитария назорати органларининг талабномасига мувофиқ **коронавирус инфекциясини юктирган ходим билан мулоқотда бўлганлар ҳақида дарҳол маълумот беришни**, касалланган шахс бўлган жойларни дезинфекциядан ўтказиш чораларни кўришни;

ходимларга изоляция режимида бўлишга оид талабларга риоя этишда қўмаклашишни таъминласин.

6. Молия-иқтисод ишлари бўйича проректор Б.Бобожонов ходимларнинг реал даромадлари барқарорлигини таъминлаш мақсадида уларга **ойлик иш ҳақлари узлуксиз ва ўз вақтида тўланиши;**

ёшлар билан ишлаш бўйича проректор Д.Умаров мазкур қарор ва буйруқда белгиланган биринчи навбатдаги чоралар сўзсиз бажарилишини таъминлаш мақсадида барча таркибий бўлинмалар ҳамда талабалар ўртасида **тушунтириш ишлари лозим даражада ташкил этилиши;**

ўқув ишлари бўйича проректор И.Рустамбеков ҳамда илмий ишлар ва инновациялар бўйича проректор Н.Салаев “онлайн” ёки масофавий иш режимига ўтказилган профессор-ўқитувчиларнинг **ўқув, методик ва илмий ишлари, ўқув тусдаги юкламалари бажарилиши устидан қатъий ва тизимли назорат ўрнатсин.**

7. Кадрлар бўлими (А.Матмуротов) университетда фаолият юритаётган профессор-ўқитувчилар ва ходимларга меҳнат қонунчилигига қатъий риоя этган ҳолда 2020 йил март ойининг иккинчи ярмига навбатдан ташқари меҳнат таътилини белгилаш бўйича зарур чораларни кўрсин

8. Талабалар турар жойлари мудирлари Н.Шайзаков, О.Усмонов:

таътил вақтида талабалар ётоқхоналарида яшаб турган хорижлик талабаларни зарурий озик-овқат, гигиена воситалари ҳамда зарур бўладиган дастлабки дори-дармон, шунингдек, маиший эҳтиёжлари учун жиҳозлар билан таъминлаш ишларини ташкил этсин;

тегишли ташкилотлар билан ҳамкорликда талабалар турар жойларини тиббиёт хонаси ва гигиена воситалари билан таъминлаб, у ерда навбатчи шифокор ва ички ишлар ходими фаолиятини йўлга қўйсин;

зарурий озик-овқат маҳсулотлари, гигиена ҳамда зарур бўладиган дастлабки дори-дармон воситаларини талабалар турар жойларига етказиб берилишини таъминласин;

талабалар турар жойларидаги барча маданий дам олиш хоналари телефизор билан таъминланганлиги ҳамда Жаҳон интернет тармоғи ва WiFi худудларининг мунтазам фаолият юритишини назоратга олсин;

Ахборот-ресурс маркази (Х.Пирмедова) билан биргаликда талабалар турар жойларидаги кутубхоналарни ўқув ва бадиий адабиётлар билан бойитиш чораларини кўрсин;

талабалар билан профессор-ўқитувчилар ва соҳа мутахассислари ўртасида онлайн мулоқот ва учрашувлар ташкил этсин;

ижтимоий тармоқларда алоҳида гуруҳлар ташкил этиб, онлайн викторина ва интеллектуал ўйинлар ўтказиб бориш, шунингдек, амалга оширилган ишлар тафсилотларини университет сайти ва бошқа оммавий ахборот воситаларида ёритиб боришни таъминласин.


9. Лицей ва коллежлар билан ишлаш бўлими (О.Солиев) университет хузуридаги академик лицей ҳамда вилоятлардаги юридик коллежларида мазкур қарор ижросини таъминлаш борасида тушунтириш ишларини ташкил этиб борсин ва зарур ҳолларда методик ёрдам кўрсатилишини таъминласин.

10. Университет матбуот котиби (У.Уринов) маънавият ва маърифат маркази (Ш.Пўлотов) билан биргаликда мазкур буйруқ кучга кирган кундан бошлаб университетда коронавирус инфекциясининг тарқалишини олдини олиш борасида амалга оширилаётган ишлар юзасидан оммавий ахборот воситалари ва ижтимоий тармоқларда кенг ёритиб бориш йўлга қўйсин.

11. Канцелярия (Х.Абдуллаев) мазкур буйруқни университетнинг барча таркибий бўлинмаларига етказсин.

12. Ушбу буйруқнинг бажарилишини назорат қилишни ўз зиммамда қолдираман.

Адлия вазири
Ўринбосари – ректор



Р. Хақимов